



Халқ сўзи

Ўзбекистон —
келажаги
буюк
давлат

1991 йил 1 январдан чиқа бошлаган

E-mail: Info@xs.uz

2012 йил 2 февраль, № 23 (5443)

Пайшанба

Мамлакатимизда:

Воқеалар,
янгиликлар,
хабарлар

Бухоро

“Узкарпет” қўшма корхонасида 2,9 миллион АҚШ доллари миқдоридagi банк кредити эвазига хориждан замонавий дастоҳлар келтирилиб, ишлаб чиқариш жараёни тўлиқ модернизация қилинди.

Модернизация ва қўшимча иш ўринлари

Мазкур лойиҳанинг рўёбга чиқарилиши туфайли корхона фаолияти кенгайиб, бу ерда йилга 1,6 миллион квадрат-метр гилам ва минг тоннадан ортқ полипропилен толаси тайёрлаш имконияти юзага келди. Шунингдек, 31 қўшимча иш ўрни яратилди.

Диққатга молик жиҳати, ўтган йилда мавжуд корхоналар салоҳиятини кенгайтириш ҳамда хусусий тадбиркорликни ривожлантириш орқали вилоят марказида жами 9700 та иш ўрни ташкил этилди.

И. ИБРОҲИМОВ,
«Халқ сўзи» мухбири.

Наманган

Наманган туманининг Қумқўрғон қишлоғида фаолият кўрсатаётган “Element paint” масъулияти чекланган жамиятида қурилишда кенг қўлланиладиган лок-бўёқлар тайёрлаш ўзлаштирилди.

Ички бозорда янги маҳсулот

Айни пайтда бу ерда хориж технологияси ёрдамида 12 турдаги бўёқ, сувоқ қоримаси ва эмаль ишлаб чиқарилмоқда. Ўтган қисқа муддатда маҳаллий бозорга корхона дастлабки 60 тоннадан ортқ маҳсулотини етказиб берди. Шунингдек, жамиятда автомобиль йўллариининг чирик ва белгилари учун мўлжалланган махсус бўёқ тайёрлаш бўйича ҳам изланишлар олиб борилаёпти.

Айтиш лозимки, кичик бизнес ва хусусий тадбиркорлик соҳасининг жадал ривожланиши эвазига яқунланган йилда туманда 79,3 миллион сўмлик маҳсулот ишлаб чиқарилди.

Қ. НАЖМИДИНОВ,
«Халқ сўзи» мухбири.

Тошкент вилояти

“Бекободтехмонтаж” хусусий корхонасида металлга ишлов бериш бўйича қиймати 260 миллион сўмлик янги лойиҳа амалга оширилди.

Металлдан мустаҳкам ашёлар

Пировардида бу ерда пўлатдан хўжалик ва қурилиш маҳсулотлари тайёрлаш йўлга қўйилди.

Айни шундай кичик корхоналар ташкил этиш эвазига Бекобод шаҳрида 2011 йил мобайнида 2 минг 190 та иш ўрни яратилди.

Ф. ШЕРАЛИЕВ,
«Халқ сўзи» мухбири.

Қашқадарё

Қарши туманидаги “Бешкент пахта тозалаш” очик акциядорлик жамиятида кенг қўлланган модернизация тадбирлари амалга оширилган, бу ерда пахта толаси ишлаб чиқариш қуввати йилга 45 минг тоннага етказилди.

Қайта ишлаш ҳажми ортади

Ушбу лойиҳа рўёби учун 4 миллиард 254 миллион сўм йўналтирилди.

Вилоятда яқунланган йилда 86 та sanoat корхонасида техник ва технологик янгиликлар амалга оширилди.

А. МУҲАММАДИЕВ,
«Халқ сўзи» мухбири.

МАҲАЛЛА – ЖАМОАТЧИЛИК НАЗОРАТИНИ ОЛИБ БОРИШНИНГ МУҲИМ ИНСТИТУТИ

Мамлакатимизда демократик ҳуқуқий давлат ва кучли фуқаролик жамиятини барпо этиш мақсадида фуқароларнинг давлат бошқарувидаги иштирокини таъминлашга қаратилган ташкилий-ҳуқуқий кафолатлар тизимини яратишга алоҳида эътибор берилмоқда. Бу борада фуқароларнинг ўзини ўзи бошқариш органлари, нодавлат нотижорат ташкилотлари фаолиятининг қонуний асослари ишлаб чиқилгани ҳам фикримиз тасдиғидир.

Кучли давлатдан — кучли фуқаролик жамияти сари

Айниқса, фуқаролик жамияти институтларининг жамоатчилик назоратини амалга оширишдаги аҳамияти тобора мустаҳкамланиб бораётгани диққатга сазовордир.

Дарҳақиқат, мамлакатимизда давлат бошқаруви органлари ҳамда уларнинг тузилмалари фаолияти устидан жамоатчилик назоратини ҳар томонлама кучайтиришга зарур шароит яратилмоқда. Ўзбекистон Республикасининг бир қатор қонунлари ва меъёрий ҳужжатларида турли жамоат бирлашмалари ҳамда нодавлат нотижорат ташкилотлар томонидан жамоатчилик назоратини амалга ошириш тўғрисидаги нормалар мустаҳкамланган.

Хусусан, “Фуқароларнинг ўзини ўзи бошқариш органлари тўғрисида”ги Ўзбекистон Республикаси Қонунида фуқаролар йиғини, фуқаролар йиғини кенгаши томонидан қонунлар ва бошқа

қонун ҳужжатларининг, шунингдек, ўз қарорларининг ижро этилиши, савдо ва маиший хизмат кўрсатиш корхоналарининг иши, савдо ва фуқароларга хизмат кўрсатиш маданияти талаблари бажарилиши, иморатлар қуриш ҳамда ҳовлилар, уйлар атрофидаги ҳудудларни ораста сақлаш қоидаларига риоя этилиши каби қатор йўналишларда жамоатчилик назоратини амалга ошириш ҳуқуқи белгилаб қўйилган.

Давлатимиз раҳбари раҳнамолигида ҳуқуқий давлат қуриш, демократик ислохотларни янада чуқурлаштириш ҳамда фуқаролик жамиятини ривожлантириш, “Кучли давлатдан — кучли фуқаролик жамияти сари” тамойилини амалга ошириш йўлида жамоатчилик назорат институтининг ўрни ва аҳамияти тобора ортиб бормоқда.

(Давоми 2-бетда).

Кадрлар тайёрлаш миллий дастури

Фарзандлари келажагини ўйлаш, аждодлар руҳи, авлодлар истиқболи олдида масъулият ҳисси билан яшаш халқимизга хос фазилат. Бу фазилат замиридаги эзгулик истиқлолга эришганимиздан сўнг янада кадр топди, амалий ижросини кўрди. Шу боис таълим тизимида олиб борилаётган ислохотлар дунё ҳамжамияти томонидан ҳам юқори баҳоланмоқда.



ЭНГ МУҚАДДАС МАҚСАД — ФАРЗАНДЛАР ИҚБОЛИ

Президентимиз Ислам Каримов таълим соҳасининг гоят долзарб аҳамиятини таъкидлар экан, «Юксак маънавият — енгилмас куч» асарига, жумладан, шундай дейди: «Албатта, таълим-тарбия — онг маҳсули, лекин айни вақтда онг даражаси ва унинг ривожини ҳам белгилайдиган, яъни, халқ маънавиятини шакллантирадиган ва бойитадиган энг муҳим омилдир. Бинобарин, таълим-тарбия тизимини ва шу асосда онгни ўзгартирмасдан туриб, маънавиятни

ривожлантириб бўлмайдир».

Демак, таълим-тарбия соҳасида ўтказиладиган чуқур ўйланган ислохотлар, аввало, онг ва тафаккурдаги ижобий ўзгаришларга йўл очса, пировардида халқ маънавияти тақомилида ҳал этувчи аҳамият касб этади.

Мустақиллик йилларида қабул қилинган «Таълим тўғрисида»ги, «Кадрлар тайёрлаш миллий дастури тўғрисида»ги қонунлар асосида яратилган малакали кадрлар тайёрлаш тизими ўзининг стратегик мақсадларга эга экани билан мамла-

катимизнинг буюк келажагини қуришда муҳим роль ўйнамоқда.

Биринчи навбатда, юксак маънавиятли, ўзининг мустақил фикрига эга, замонавий билим ва технологияларни ўзлаштиришга қодир баркамол авлодни тарбиялашни мақсад қилиб олган ушбу тизим Ўзбекистонда ёшлар масаласи давлат сиёсатининг устувор йўналишларидан бири сифатида белгиланганини яққол намоён этади.

(Давоми 3-бетда).

Навоий вилояти:

ИСТИҚЛОЛНИНГ НАВҚИРОН НИҲОЛЛАРИ



Истиқлол йилларида юртимизда Президентимиз раҳнамолигида жисмоний ва маънавий жиҳатдан етук авлодни тарбиялаш масаласига давлат сиёсатининг энг муҳим устувор йўналишларидан бири сифатида эътибор қаратилмоқда. Бу бежиз эмас, албатта. Чунки миллатимизнинг эртанги куни, келажаги бугун улғаяётган фарзандларимиз тақдири билан узвий боғлиқдир. Соғлом авлодни вояга етказишда эса спортнинг ўрни беқийс.

Болалар спорти

Буни ўтган давр мобайнида ўғил-қизларимизнинг соғлом турмуш тарзини таъминлаш, уларда спортга муҳаббат туйғуларини шакллантириш борасида ҳаётга татбиқ этилган қатор чора-тадбирларнинг амалдаги самаралари ҳам яққол тасдиқлаб турибди. Бугун қайси шаҳар, туман ёки олис қишлоқ ҳудудига бор-

манг, кўркам ижтимоий-маиший бинолар қаторида бири-бирдан чиройли, муҳташам спорт мажмуалари, стадионлар ва иншоотларга кўзингиз тушади. Уларда минглаб болаларнинг ўзлари севган спорт турлари билан шуғулланишга эга ҳавасингизни келтиради.

Албатта, садақат ва заковат, жасорат ҳамда

шижоат соҳиби бўлган янги авлоднинг катта ҳаётга кириб келиши юртининг бахти, куч-қудрати, эртанги кунга бўлган ишончи кафолатидир. Ана шу ишончини мустаҳкамлаш, ёшларимизни Ватанга муҳаббат ва садақат руҳида тарбиялашда Юртбошимиз ташаббуси билан йўлга қўйилган уч босқичли мусобақалар тизими —

“Умид ниҳоллари”, “Баркамол авлод” ҳамда Универсиада спорт ўйинларининг алоҳида ўрни бор. Ёдингизда бўлса, бундан уч йил муқаддам Гулистон шаҳрида ўтказилган “Умид ниҳоллари” спорт ўйинлари байроғини навбатдаги мезбон — навоийлик ўқувчи-спортчилар тантанали равишда қабул қилиб олишган эди. Яна бир неча ойлardan сўнг бўладиган ёшлик ва шижоат байрами — “Умид ниҳоллари — 2012”ни кўтаринки руҳда ўтказиш мақсадида бугун вилоят аҳли қизгин тайёргарлик кўрмоқда.

(Давоми 4-бетда).

Ўзбекистонда ишлаб чиқарилган

Бугун мамлакатимизда тайёрланаётган кўплаб турдаги рақобатбардош маҳсулотлар жаҳон бозорига тобора хариддоргир бўлиб бораётгани барчамизга маълум. Табиийки, бунга эришишда юртимиз ишбилармонлари ҳамда хорижий инвесторлар учун яратилаётган имтиёз ва имкониятлар, янги-янги ишлаб чиқариш корхоналари ташкил этилаётгани ҳамда мавжудларнинг босқичма-босқич модернизация қилинаётгани муҳим асос бўлаётир.

Фармацевтика: ИНВЕСТИЦИЯ ВА ИМКОНИЯТ

Натижада ички бозор импорт ўрнини босувчи маҳсулотлар билан тўлдирилиши баробарида, кўплаб юрдошларимизнинг иш билан бандлиги ҳам таъминланмоқда. Ўз навбатида, маҳаллий тадбиркорларимиз саъй-ҳаракатлари билан истеъмол товарларининг янги-янги турлари ўзлаштирилаётгани ҳам эътирофга лойиқ.

2010 йилда Сирдарё туманининг Ҳақиқат қишлоғида қад ростлаган, тиббиётда кенг қўлланиладиган инфузион эритмалар ишлаб чиқаришга ихтисослаштирилган “Темур мед фарм” масъулияти чекланган жамияти технологияларининг замона-

(Давоми 4-бетда).

КЕЛАЖАККА ИШОНЧ ВА ТАРАҚҚИЁТ

Мамлакатда ижтимоий барқарорликни таъминлаш, аҳолининг эртанги кунга бўлган ишончини мустаҳкамлаш ҳар бир давлатнинг энг муҳим вазифаларидан ҳисобланади.

Шарҳ

Зеро, иш ўринларининг яратилиши, иқтисодий барқарорликнинг таъминлини, аҳоли даромадларининг муттасил ошириб борилиши жамиятда ҳамжиҳатликни кучайтиришга хизмат қилади.

Афсуски, жаҳон молиявий-иқтисодий инқирози оқибатида дунёда юзага келган ҳолат, яъни ишсизликнинг ортиши, давлат томонидан молиялаштирилган ижтимоий дастурларнинг тўхтатилиши, таълим учун тўловларнинг кескин кўтарилиши, мавжуд вазиятга етакчи компаниялар ва йирик сармоядорлар ҳамда иқтисодиётга масъул мутахассислар томонидан панжа орасидан қаралиши натижада молиявий таназзулнинг борган сайин чуқурлашиб бориши дунёда социал муҳитнинг беқарорлашишига, одамларда эртанги кунга бўлган ишончининг суяйишига олиб келди. Буни кўплаб давлатларда юз бераётган норозилик чиқишлари, истеъмол қувватининг тушиб кетаётгани, оддий одамлар ҳаётининг янада ёмонлашиб бораётгани мисолида кўриш мумкин.

(Давоми 2-бетда).

КАПИТАЛ ҚЎЙИЛМАЛАРНИНГ ЎЗЛАШТИРИЛИШИ ОШМОҚДА

2011 йилда мамлакатимизда молиялаштиришнинг барча манбалари ҳисобидан қиймати

10 миллиард 800 миллион доллардан ортқ капитал қўйилмалар ўзлаштирилди.

Бу кўрсаткич аввалги йилдагига нисбатан 11,2 фоизга кўплиги алоҳида эътиборга моликдир. Натижада мавжуд корхоналарни модернизация қилиш, техник ва технологик жиҳатдан қайта жиҳозлаш ҳамда юксак технологияларга асосланган янги ишлаб чиқариш қувватларини ташкил этиш учун қулай имкониятлар яратилди.

(Давоми 2-бетда).

